

# Kisah dari Solaris: Sable

Solaris terkenal dengan banyak perkara— seperti para penyelidiknya, banyaknya ciptaan, dan peneroka-peneroka angkasa lepas. Setiap pelawat kali pertama ke Solaris tidak harus melepaskan peluang menghadiri pertunjukannya di Sarkas Sifar Graviti. Sarkas itu merupakan sebahagian daripada menara logam tinggi yang dibina di dalam stesen angkasa lepas Solaris itu sendiri. Ia asalnya merupakan makmal sifar graviti sebelum ketua penyelidiknya menambahkan unsur hiburan kepada matlamat asalnya, iaitu untuk pendidikan.

Sable, iaitu panggilan bagi penyelidik tersebut, pada asalnya menggunakan makmal sifar graviti itu untuk menguji pergerakan kaki palsunya. Dia bertekad untuk tidak membiarkan kemalangan angkasa lepas yang telah merampas kaki asalnya itu mengehadkan kegiatannya — dan melihatkan bagaimana dia melantun dari lantai ke siling, memang tidak! Dia menggunakan pergerakan meledak-ledak ini untuk menguji aerodinamik kakinya, memperhalusi kelengkungan dan bahannya (dia mendapati bahawa sebuah aloi yang diperbuat daripada logam yang hanya terdapat dalam kerak-kerak Huo Huan, adalah bahan yang paling baik).






# Kisah dari Solaris: Sable

Sememangnya, sedang dia melompat-lompat di dalam bilik, dia menyedari bahawa dia bukan sahaja telah membina kaki palsu yang lebih baik, malah telah mempelajari cara mengemudi dan memanfaatkan sifar graviti. Tidak lama kemudian, Book Bugs berkumpul dan saling bertimpa-timpa di atas satu sama lain di ruang pintunya untuk menonton akrobatiknya yang menawan hati di makmal penyelidikan tersebut.

Pada suatu hari, Sable tiba di makmalnya dengan beg yang dipenuhi dengan barangan. Dia meletakkan beberapa selimut di atas lantai, menambah beberapa bantal (dengan besi berani supaya bantal-bantal itu tidak terapung-apung ke mana-mana), dan menyusun beberapa snek. Kemudian, dia membuka pintu makmalnya, dan berkata kepada Bugs yang menanti, "Silalah masuk."





# Kisah dari Solaris: Sable

Book Bugs masuk dan duduk mengambil tempat mereka di atas lantai (yang terpasak oleh bantal-bantal bermagnet) — dan dengan itu bermulalah pertunjukan Sarkas Sifar Gravitasi yang pertama. Sable mengajar Book Bugs segala-galanya tentang sifar graviti dan penyelidikannya, menunjukkan ilmunya melalui lompatan, lambungan dan pusingan. Mulai hari itu, Sarkas Sifar Gravitasi mengadakan pertunjukan secara harian, sekali-sekala menampilkan penghibur undangan, tetapi sentiasa dengan Sable sebagai penghibur utama dan ketua penyelidikannya.

